



Broj: 02-05-6784-18/14
Sarajevo, 08.04.2014. godine

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 - Prečišćeni tekst i 38/13), Vlada Kantona Sarajevo, na **61.** sjednici održanoj **08.04.2014.** godine, donijela je sljedeći

ZAKLJUČAK

1. Prihvata se Izvještaj o implementaciji Odluke o proširenom obimu prava za korištenje ortopedskih pomagala, lijekova, medicinsko-sanitetskih sprava i materijala za RVI sa područja Kantona Sarajevo za 2013. godinu.
2. Predlaže se Skupštini Kantona Sarajevo da usvoji Izvještaj o implementaciji Odluke o proširenom obimu prava za korištenje ortopedskih pomagala, lijekova, medicinsko-sanitetskih sprava i materijala za RVI sa područja Kantona Sarajevo u 2013. godini.

PREMIJER

Suad Zeljković

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo zdravstva
5. Evidencija
6. A r h i v a



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1





Na osnovu člana 13. tačka b. i člana 18. tačka b. Ustava Kantona Sarajevo („Službene novine Kantona Sarajevo“, br. 1/96, 2/96 – Ispravka, 3/96 – Ispravka, 16/97 – Amandmani (I–XIII), 14/00 (Amandmani XIV–XV), 4/01 (Amandmani XVI–XVIII) i 28/04 – (Amandmani XIX–XLII), a u vezi sa članom 33. Zakona o zdravstvenom osiguranju („Službene novine Federacije BiH“, br. 30/97, 7/02, 70/08 i 48/11), članom 7. Zakona o dopunskim pravima boraca/branitelja Bosne i Hercegovine („Službene novine Kantona Sarajevo“, br: 2/02 i 28/03), te Odluke o proširenom obimu prava za korištenje ortopedskih pomagala, lijekova, medicinsko-sanitetskih sprava i materijala za RVI sa područja Kantona Sarajevo („Službene novine Kantona Sarajevo“, br: 13/04, 11/06, 16/11) i na osnovu člana 120. Poslovnika Skupštine Kantona Sarajevo („Službene novine Kantona Sarajevo“, broj 41/12 – Drugi novi prečišćeni tekst), Skupština Kantona Sarajevo, na sjednici održanoj dana _____ godine, povodom razmatranja Izvještaja o implementaciji Odluke o proširenom obimu prava za korištenje ortopedskih pomagala, lijekova, medicinsko-sanitetskih sprava i materijala za RVI sa područja Kantona Sarajevo u 2013. godini, donijela je sljedeći

ZAKLJUČAK

Usvaja se Izvještaj o implementaciji Odluke o proširenom obimu prava za korištenje ortopedskih pomagala, lijekova, medicinsko-sanitetskih sprava i materijala za RVI sa područja Kantona Sarajevo u 2013. godini

Broj: 01-05-____/14
____/____/2014.godine
SARAJEVO

PREDSJEDAVAJUĆA
SKUPŠTINE KANTONA SARAJEVO

Prof. dr Mirjana Malić



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055
Fax: + 387 (0) 33 562-210
Sarajevo, Reisa Džemaludina Čauševića 1



Bosna i Hercegovina
Federacija Bosne i Hercegovine

KANTON SARAJEVO
Ministarstvo zdravstva



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

IZVJEŠTAJ

o implementaciji Odluke o proširenom obimu prava za korištenje ortopedskih pomagala, lijekova, medicinsko-sanitetskih sprava i materijala za RVI sa područja Kantona Sarajevo u 2013. godini

I - UVOD

Ministarstvo zdravstva Kantona Sarajevo u protekloj 2013. godini radilo je na implementaciji Odluke o proširenom obimu prava za korištenje ortopedskih pomagala, lijekova, medicinsko-sanitetskih sprava i materijala za ratne vojne invalide sa područja Kantona Sarajevo.

Na planu zdravstvene zaštite ratnih vojnih invalida vrši se ovjera recepata za lijekove, ortopedska pomagala, medicinsko sanitetske sprave i materijale nadležnih zdravstvenih ustanova prema medicinskim indikacijama a po preporuci ljekara specijaliste.

Obim prava je utvrđen **Odlukom o proširenom obimu prava za korištenje ortopedskih pomagala, lijekova, medicinsko-sanitetskih sprava i materijala za ratne vojne invalide sa područja Kantona Sarajevo (»Službene novine Kantona Sarajevo«, br: 13/04, 11/06, 16/11)**, i to čl. 8. i 7. kojim je utvrđena jedinstvena lista ortopedskih pomagala i medicinsko - sanitetskih sprava i materijala: medicinske indikacije, rokovi korištenja i učešće Ministarstva zdravstva, dok čl. 5. i 6. pomenute Odluke definiše ostvarivanje prava na specifične lijekove i oslobađanje participacije za lijekove sa Liste lijekova koji se propisuju i izdaju na teret sredstava Zavoda zdravstvenog osiguranja Kantona Sarajevo.

Ministarstvo zdravstva Kantona Sarajevo kontinuirano dobiva i rješava zahtjeve ratnih vojnih invalida pojedinačno kao i zahtjeve upućene od strane Udruženja ratnih vojnih invalida radi rješavanja njihovih potreba a na osnovu medicinskih indikacija, odnosno na osnovu nalaza nadležne zdravstvene ustanove.

II - IMPLEMENTACIJA ODLUKE

Odlukom o proširenom obimu prava za korištenje ortopedskih pomagala, lijekova, medicinsko-sanitetskih sprava i materijala za ratne vojne invalide sa područja Kantona Sarajevo (»Službene novine Kantona Sarajevo«, broj 13/04), utvrđen je prošireni obim prava na zdravstveno osiguranje ratnih vojnih invalida.

Potrebe ratnih vojnih invalida ostvaruju se putem posebnog obrasca za te namjene, obrazac RVIO-04, na kojima ljekar specijalista prema medicinskim indikacijama a u skladu sa potrebama preporuči ortopedsko pomagalo ili medicinsko – sanitetske sprave i materijale.

Takvi obrasci prvo podliježu ovjeri u opštinskim poslovnica Zavoda zdravstvenog osiguranja Kantona Sarajevo na iznos koji je regulisan Uredbom o obimu, uslovima i načinu ostvarivanja prava osiguranih lica na korištenje ortopedskih i drugih pomagala, endoproteza, stomatološko – protetske pomoći i stomatološko – protetskih nadomjestaka (“Službene novine Kantona Sarajevo”, br. 38/07, 29/08), a koji se odnosi na sve osiguranike Kantona Sarajevo s tim da se za populaciju RVI u Ministarstvu zdravstva Kantona Sarajevo ovjerava pomenuti obrazac na iznos koji je regulisan proširenim obimom zdravstvenog osiguranja. U Zavodu zdravstvenog osiguranja Kantona Sarajevo ratni vojni invalidi ostvaruju pravo kao drugi osiguranici tako da Zavod zdravstvenog osiguranja Kantona Sarajevo u 2013. godini nije imalo posebno planirana sredstva za ovu kategoriju.

U budžetu Kantona Sarajevo za 2013. godinu na poziciji Ministarstva zdravstva Kantona Sarajevo planirana su i utrošena sredstva u iznosu od **1.324.399,00 KM** za ove namjene.

Na području Kantona Sarajevo prema podacima Ministarstva za boračka pitanja Kantona Sarajevo ima 9 842 ratnih vojnih invalida od toga oko cca1000 amputiraca, te 74 ratnih vojnih invalida – paraplegičara(68 ih je članova udruženja).

Pomenutom Odlukom o proširenom obimu prava za korištenje ortopedskih pomagala, lijekova, medicinsko-sanitetskih sprava i materijala za ratne vojne invalide sa područja Kantona Sarajevo ratni vojni invalidi sa područja Kantona Sarajevo imaju prava na :

- Ortopedska pomagala,
- Lijekove,
- Medicinsko – sanitetski materijal.

1. - Ortopedska pomagala

Ratni vojni invalidi na osnovu medicinskih indikacija, po preporuci ljekara specijaliste – ordinarijusa, a na osnovu nalaza nadležne zdravstvene ustanove uz popunjeni obrazac zahtjeva ostvaruju prava na slijedeća ortopedska pomagala :

- Naočale (okvir i korekciona stakla),
- Očne proteze,
- Aparat za pojačanje sluha,
- Parcijalna i totalna zubna proteza,
- Mider sa metalnim i plastičnim pojačanjem za deformacije kičme,
- Zaštitne naočale i štap za slijepa lica,
- Endotrahealna kanila.

Kroz prošireni obim prava **ratni vojni invalidi sa gubitkom gornjih ili donjih ekstremiteta** za čiju nabavku sredstva obezbjeđuje i Ministarstvo zdravstva Kantona Sarajevo, pored Zavoda zdravstvenog osiguranja Kantona Sarajevo obezbjeđuju slijedeća pomagala:

- Proteze za gornje ekstremitete (šaka, podlaktatna, egzartikulacija lakta, nadlaktatna, egzartikulacija ramenog zgloba),
- Proteze za donje ekstremitete (djelimična amputacija stopala, proteza stopala, podkoljena, egzartikulacija koljenog zgloba, nadkoljena, i egzartikulacija zgloba kuka, ortopedске cipele uz protezu),
- Endoproteze (proteza za kuk, proteza za koljeno ili rame, endoproteza lakta),
- Aparati za gornje ekstremitete (ortoza za šaku sa mehaničkom funkcijom, radijalis aparat od plastične mase i dvodjelna ortoza za ruku sa mehanizmom fleksije i ekstenzije),
- Pomagala (navlake za bataljak, silikonske čarape, podlaktatne i podpazušne štake, hodalice).

Ratni vojni invalidi – paraplegičari ostvaruju pravo na sljedeća pomagala :

- Invalidska kolica na mehanički pogon, te rezervni dijelovi (gume vanjske i unutrašnje, kočnice i felge),
- Antidekubitalni zračni gumeni jastuk,
- Antidekubitalni zračni gumeni madrac,
- Sanitarna pomagala (kolica za kupanje, kran za kupanje, lift za kupanje),
-

1.a) Realizacija zahtjeva - ortopedska pomagala :

U toku 2013.godine Ministarstvo zdravstva Kantona Sarajevo je zaprimilo, obradilo i odobrilo **2 221** zahtjev, najčešće u vidu potpunih potreba (zaprmljeni zahtjev obuhvata primjerice: protezu, ort.cipele uz protezu, navlake za bataljak, štake, i sl., kao i potpunih potreba u medicinsko sanitetskim spravama i materijalu(program inkontinencije) za RVI - paraplegičare, kako slijedi:

Tabela broj 1: Prikaz ukupnog broja zahtjeva

| Redni broj | POMAGALA I MEDICINSKO - SANITETSKI MATERIJAL | BROJ ODOBRENIH ZAHTJEVA |
|-------------------|---|--------------------------------|
| 1. | Zahtjevi RVI za ortopedska pomagala | 1 709 zahtjeva |
| 2. | Tromjesečne potrebe za RVI – paraplegičare | 296 zahtjeva |
| 3. | Jednomjesečne potrebe za RVI | 216 zahtjeva |
| | UKUPNO : | 2 221 zahtjeva |

U toku 2013.godine zaprimljeno je **1 709** zahtjeva za nabavku ortopedskih pomagala.

Tabela broj 2: Tabelarni prikaz broja zahtjeva prema vrsti ortopedskih pomagala

| Br. | VRSTA ORTOPEDSKOG POMAGALA | BROJ IZDATIH ZAHTJEVA |
|------------|--|------------------------------|
| 1. | Naočale (okviri i stakla) | 701 |
| 2. | Ortopedske cipele uz protezu | 301 |
| 3. | Navlake za bataljak, Silikonske čarape | 291 |
| 4. | Podkoljena proteza | 74 |
| 5. | Nadkoljena proteza i egzartikulacija koljenog zgloba | 25 |
| 6. | Proteza stopala | 17 |

| | | |
|-----|---|--------------|
| 7. | Silikonski lajner , | 139 |
| 8. | Slušni aparat Mider platneni sa metalnim pojačanjem | 21 |
| 9 | Štake | 6 |
| 10. | Očna proteza(staklena i akrilatna) | 8 |
| 11. | Nadlaktatna proteza, podlaktatna proteza, proteza šake | 4 |
| 12. | Ostalo (invalidska kolica, rezervni dijelovi za invalidska kolica, zubna proteza , kran ili kolica za kupanje, antidekubitalni jastuk ili madrac, ortoze, itd.) | 122 |
| 13. | UKUPNO : | 1 709 |

Svi zahtjevi pozitivno su riješeni. Zahtjevi budu protokolisani, obrađeni i izdati odmah.

Rad sa strankama obavlja se kontinuirano kroz ovjeru recepata, prijem i obradu zahtjeva za ortopedska pomagala, zahtjeva za jednomjesečne i tromjesečne potrebe medicinsko – sanitetskog materijala, formiranje evidencije i baze podataka, kontrolu i provjeru ovjerenih recepata, obrazaca te faktura pristiglih na naplatu, a koji se odnose na rad ove službe.

Tabela broj 3: Prikaz broja zahtjeva po mjesecima

| Mjesec | Broj primljenih zahtjeva |
|----------------------------------|--------------------------|
| Januar | 119 |
| Februar | 154 |
| Mart | 154 |
| April | 171 |
| Maj | 145 |
| Juni | 123 |
| Juli | 109 |
| Avgust | 101 |
| Septembar | 132 |
| Oktobar | 175 |
| Novembar | 145 |
| Decembar | 181 |
| | |
| | |
| Najveći broj zahtjeva – Decembar | 181 |
| Najmanji broj zahtjeva - Juli | 109 |

Iz navedene tabele broj 3: može se vidjeti da se u toku jednog mjeseca zaprimi, obradili i izdali od maksimalno 181 do najmanje 109 zahtjeva mjesečno.

U Septembru 2013.godine zaprimljen je zahtjev Udruženja ratnih vojnih invalida – paraplegičara sa područja Kantona Sarajevo za nabavku putem postupka Javne nabavke antidekubitalnih zračnih gumenih jastuka za invalidska kolica za 68 RVI – paraplegičara člana udruženja, što je u skladu sa Odlukom o proširenom obimu prava za korištenje ortopedskih pomagala, lijekova, medicinsko-sanitetskih sprava i materijala za ratne vojne invalide sa područja Kantona Sarajevo, obezbjeđenje se vrši na 36 mjeseci. Ustanovljene su potrebe za svakog RVI-paraplegičara ponaosob, uzete su mjere i raspisan Javni poziv. Nakon provedenog postupka Javne nabavke Ministarstvo zdravstva Kantona Sarajevo potpisalo je Ugovor sa najuspješnijim ponuđačem firmom „KS Reha“. Vrijednost ugovora bila je **54.339,48KM**. Zavod zdravstvenog osiguranja Kantona Sarajevo će u skladu sa spomenutom Uredbom o ortopedskim pomagalima uplatiti iznos od **26.970,84KM**, a Ministarstvo zdravstva Kantona Sarajevo u skladu sa Odlukom o proširenom obimu prava uplatiti će iznos od **27.368,64KM**, iz budžeta za 2014.godinu.

2. – Medicinsko sanitetske sprave i materijali

Ratni vojni invalidi – paraplegičari i u toku 2013.godine ostvarili su pravo na medicinsko – sanitetske sprave i materijal(program inkontinencije) i to kako slijedi :

- Pelene,
- Stalni Foley kateter,
- Jednokratni kateter,
- Kесе za urin sa ispustom,
- Urin vrećice uz nogu,
- Urinar sa trakom ili samoljepljivi,
- Gel ze kateteriziranje,
- Nesterilne rukavice,
- Sterilne gaze,
- Zavoji,
- Flasteri,
- Sredstva za dezinfekciju,
- Podloge za bolesnike.

Sredstva za nabavku medicinsko – sanitetskog materijala za **ratne vojne invalide – paraplegičare, kojih na području Kantona Sarajevo ima 68**, obezbjeđuju se u Zavodu zdravstvenog osiguranja Kantona Sarajevo na iznos koji je utvrđen Uredbom o obimu, uslovima i načinu ostvarivanja prava osiguranih lica na korištenje ortopedskih i drugih pomagala, endoproteza, stomatološko – protetske pomoći i stomatološko – protetskih nadomjestaka (“Službene novine Kantona Sarajevo”, br: 38/07, 29/08), koja mogu da ostvare svi osiguranici, a kao prošireni obim za ratne vojne invalide prava drugi dio iznosa obrasca RVIO – 04, ovjerava Ministarstvo zdravstva Kantona Sarajevo.

2.a) Realizacija medicinsko – sanitetskih sprava i materijala

U toku 2013. godine ukupno je zaprimljeno i realizovano **512** zahtjeva za izdavanje medicinsko – sanitetskih sprava i materijala za ratne vojne invalide i ratne vojne invalide –

paraplegičare članove Udruženja ratnih vojnih invalida paraplegičara sa područja Kantona Sarajevo koje broji 68 članova, i ostalih koji nisu članovi Udruženja.

U cilju skraćivanja procedure, obezbjeđenje i ovjera potreba za ratne vojne invalide – paraplegičare članove Udruženja vrši se u vidu tromjesečnih potreba, dok je 18 ratnih vojnih invalida u 2013. godini prema medicinskim indikacijama, a nakon pregleda ljekara specijaliste, vršilo nabavku medicinsko – sanitetskih sprava i materijala jedanput mjesečno.

Tabela broj 5: Tabelarni prikaz broja zahtjeva za med. –sanitetski materijal

| Redni broj | POMAGALA I MEDICINSKO - SANITETSKI MATERIJAL | BROJ ODOBRENIH ZAHTJEVA |
|-------------------|---|--------------------------------|
| 1. | Tromjesečne potrebe za RVI – paraplegičare | 296 zahtjeva |
| 2. | Jednomjesečne potrebe za RVI | 216 zahtjeva |
| | UKUPNO : | 512 zahtjeva |

Svi zahtjevi (jednomjesečni i tromjesečni) za medicinsko-sanitetskim materijalima bili su odmah obrađeni i izdati.

3. - Lijekovi

Odlukom o proširenom obimu prava za korištenje ortopedskih pomagala, lijekova, medicinsko-sanitetskih sprava i materijala za ratne vojne invalide sa područja Kantona Sarajevo saglasno članu 6. («Službene novine Kantona Sarajevo», broj: 13/ 04, 11/ 06, 16/ 11), ratni vojni invalidi oslobađaju se participacije za lijekove propisane Odlukom o listi lijekova Kantona Sarajevo(„Službene novine Kantona Sarajevo“ br: 36/ 13- Odluka, 37/ 13- ispravka, Lista A, 50/ 13, Lista B, 51/ 13, Lista C- ampularna lista).

Spomenuta lista lijekova sadrži Listu A sa 909 i Listu B sa 371 različitih oblika, jačine kao i lijekova različitih proizvođača lijekova za liječenje različitih oboljenja. Lista lijekova je dostupna bez bilo kakvog učešća u cijeni lijeka kategoriji ratnih vojnih invalida, u skladu sa obaveznim i proširenim vidom zdravstvenog osiguranja.

Putem proširenog obima prava definisanog u Odluci primjenom tzv. crvenog RVI recepta ova specifična skupina oslobođena je plaćanja bilo kakve participacije odnosno ličnog učešća u cijeni lijeka, a razliku cijene do punog iznosa (iznos do 75%, 50% i 25%), snosi Ministarstvo zdravstva Kantona Sarajevo.

Razlika do punog iznosa cijene fakturisana je Ministarstvu zdravstva Kantona Sarajevo od strane Zavoda zdravstvenog osiguranja Kantona Sarajevo kroz tromjesečne uplate, u četiri navrata u kalendarskoj 2013. godini što je u skladu sa Sporazumom o plaćanju između Zavoda zdravstvenog osiguranja i Ministarstva zdravstva Kantona Sarajevo.

Finansijske obaveze proistekle iz ovog Sporazuma vezano za član: 6. pomenute Odluke tj. participacije za lijekove sa Liste lijekova za 2013.godinu iznosila je **300.968,70 KM**.

Osim toga vršena je i ovjera recepata kategoriji RVI- paraplegičara za specifične lijekove (član 9. Odluke o proširenom obimu prava), prema medicinskim indikacijama a po preporuci ljekara specijaliste i to:

- Baksofen tbl.(lioresal), miorelaksans- za spazam mišića.
- Oxybutinin chloride tbl.(ditropan) za urinarnu inkontinenciju i česti nagon za mokrenjem.

- Sildenafil tbl (viagra, dinamico, revatio), tadalafil tbl.(visarsin i cialiv), kao i verdanafil tbl.(levitra), kod erektilne disfunkcije.
- Antibiotici prema antibiogramu, bez obzira o kojem se antibiotiku radi.

U toku 2013. godine svakodnevno su ovjeravani recepti iz člana 9. Odluke za kategoriju RVI- paraplegičara.

4. - Pregled troškova

Ministarstvo zdravstva Kantona Sarajevo za implementaciju Odluke o proširenom obimu prava za korištenje ortopedskih pomagala, lijekova, medicinsko-sanitetskih sprava i materijala za ratne vojne invalide sa područja Kantona Sarajevo u 2013. godini raspolagalo je i utrošilo ukupno cca **1.324.399,00 KM**. Od toga na ime ortopedskih pomagala utrošeno je **1.023.430,30KM**, a na ime lijekova utrošeno je ukupno **300.968,70 KM**.

Tabela broj 6: Tabelarni prikaz budžetom planiranih sredstava za ortopedska pomagala i medicinsko – sanitetski materijal :

| Br. | MEDICINSKA POMAGALA I PREPARATI | IZNOS |
|------------|---|------------------------|
| 1. | Ortopedska pomagala i medicinsko – sanitetski materijal | 1.023.430,30KM |
| 2. | Lijekovi | 300.968,70 KM |
| | UKUPNO : | 1.324.399,00 KM |

Ministarstvu zdravstva Kantona Sarajevo fakturisano je na ime participacije u vidu tromjesečnih faktura na lijekove sa Liste lijekova koji se izdaju na teret Zavoda zdravstvenog osiguranja Kantona Sarajevo od strane Zavoda zdravstvenog osiguranja sredstva u iznosu **300.968,70 KM**. Iznosi u vidu kvartalnih uplata uplaćeni su u četiri navrata u 2013.godini što je u skladu sa Sporazumom o plaćanju između Zavoda zdravstvenog osiguranja i Ministarstva zdravstva Kantona Sarajevo kako slijedi u tabeli broj 7.

Tabela broj 7: Tabelarni prikaz obaveza koje je Ministarstvo zdravstva Kantona Sarajevo izmirilo prema Zavodu zdravstvenog osiguranja Kantona Sarajevo na ime participacije za lijekove

| Br. | LIJEKOVI u toku 2013. | IZNOS |
|------------|--|----------------------|
| 1. | LIJEKOVI za period Januar – Mart | 61.895,52 KM |
| 2. | LIJEKOVI za period April – Juni | 59.573,33KM |
| 3. | LIJEKOVI za period Juli – Septembar | 62.360,12 KM |
| 4. | LIJEKOVI za period Septembar– Decembar | 117.139,69KM |
| 5. | UKUPNO | 300.968,70 KM |

Usljed usvajanja nove Odluke o listi lijekova Kantona Sarajevo(„Službene novine Kantona Sarajevo“ br: 36/ 13- Odluka, 37/ 13- ispravka, Lista A, 50/ 13, Lista B, 51/ 13, Lista C- ampularna lista), došlo je do značajnog uvećanja troškova na ime participacije za lijekove u četvrtom kvartalu za kategoriju ratnih vojnih invalida sa Kantona Sarajevo.

U skladu sa Odlukom o proširenom obimu prava, u Septembru 2013. zaprimljen je zahtjev Udruženja ratnih vojnih invalida–paraplegičara sa područja Kantona Sarajevo za nabavku putem postupka Javne nabavke antidekubitalnih zračnih gumenih jastuka za invalidska kolica za 68 RVI – paraplegičara člana udruženja. Postupak javne nabavke okončan je u januaru 2014. godine. Vrijednost potpisanog ugovora bila je **54.339,48KM** i sredstva će biti obezbjeđena iz budžeta za 2014.godinu.

U svrhu obezbjeđenje potreba RVI I RVI- paraplegičara sa područja Kantona Sarajevo, Ministarstvo zdravstva Kantona Sarajevo je u toku 2013. godine najviše sarađivalo sa trgovinama medicinskim sredstvima i ortopedskim pomagalicama na malo koji su ujedno i najveći snabdjevači ortopedskih pomagala i sanitetskog materijala i to : “KS Reha”, “Ortosar” d.o.o., “Bauerfeind” d.o.o., “Otto Bock” d.o.o., “Neretva” d.d. Sarajevo, “Ortopedia Internacional” d.o.o., “Klinički centar Univerziteta u Sarajevu”, “Foto – optik Sarajevo” d.o.o., “Widex – slušni aparati” d.o.o., “Sarafon” d.o.o., Fox.trade d.o.o., Durak-optika d.o.o., Baroš optika d.o.o idt.

III - AKTIVNOSTI PODUZETE NA UNAPREĐENJU ZDRAVSTVENE ZAŠTITE RATNIH VOJNIH INVALIDA U TOKU 2013.godine

Na planu unapređenja zdravstvene zaštite ratnih vojnih invalida u 2013.godini provedene su sljedeće aktivnosti:

1. Nova Odluka o listi lijekova Kantona Sarajevo(„Službene novine Kantona Sarajevo“ br: 36/ 13- Odluka, 37/ 13- ispravka, Lista A, 50/ 13, Lista B, 51/ 13, Lista C- ampularna lista), ima Listu A sa 909 i Listu B sa 371 različitih oblika, jačine kao i lijekova različitih proizvođača lijekova za liječenje različitih oboljenja. Do sada je bila u primjeni Odluka o listi lijekova Kantona Sarajevo („Službene novine Kantona Sarajevo“ broj: 19/12).Spomenuta lista lijekova sadržavala je ukupno 877 različitih oblika, jačine i pakovanja lijekova, i to Listu A sa 634 i Listu B sa 243 lijeka.

Lista lijekova je proširena i dostupna je bez bilo kakvog učešća(crveni RVI recept) u cijeni lijeka kategoriji ratnih vojnih invalida, u skladu sa obaveznim i proširenim vidom zdravstvenog osiguranja.

2. Na planu propisivanja ortopedskih pomagala pojednostavljen je postupak propisivanja kod RVI sa gubitkom gornjih i donjih ekstremiteta kod ponovljenog prava na pomagalo. Ratni vojni invalidi moći će propisati pomagalo kod ljekara obiteljske medicine. Naime, na zahtjev udruženja Savez ratnih vojnih invalida Kantona Sarajevo sastanak je upriličen između predstavnika udruženja, predstavnika Zavoda zdravstvenog osiguranja i predstavnika Ministarstva zdravstva Kantona Sarajevo na kojem je postignut dogovor koji se odnosi na postupak propisivanja ortopedskih pomagala za RVI sa gubitkom gornjih i donjih ekstremiteta, te ista sada može propisati ljekar obiteljske medicine(do sada je bio ovlešten samo ljekar specijalist –ortoped).

Obzirom da se radi o definitivnom medicinskom stanju, kod ponovljenog prava na pomagalo prijedlog na obrascu RVIO-04 može propisati i ljekar obiteljske medicine, kako bi se skratio i olakšao put prilikom ostvarivanja prava.

Zavod zdravstvenog osiguranja Kantona Sarajevo je izvršio tehničke i softverske pripreme i koncem 2012.godine počelo se sa implementacijom navedenog dogovora.

3. Ukazala se potreba da Ministarstvo zdravstva Kantona Sarajevo provede postupak obavještavanja svih trgovina medicinskim sredstvima i ortopedskim pomagalicama na malo da su u obavezi prilikom fakturisanja ovjerenih potvrda u prilogu fakture dostaviti i isječak fiskalnog(ili Co) računa za ortopedsko pomagalo i medicinsko sanitetke sprave i materijale

koji su izdati ratnom vojnom invalidu.

Navedeni postupak je proveden i uspješno okončan u 2012.i 2013.godini.

U vezi sa implementacijom pomenute Odluke u dijelu ostvarivanja prava na nabavku i izdavanje ortopedskih pomagala upućena je obavijest svim ortopedskim kućama da u svim kućama s kojima je ostvarena saradnja u proteklom periodu, uspostave jednoobrazni sistem potvrde preuzetih pomagala od strane korisnika(kroz obavezno ispunjavanje Potvrde o preuzimanju pomagala), kao i uspostave sistema namjenskog utroška ovjerenih sredstava(ispunjavanje obrazaca na ime ovjerenog pomagala i iznosa koji je u tu namjenu ovjeren), a sve u cilju unapređenja zdravlja ove specifične grupe.

IV - ZAKLJUČNA RAZMATRANJA I PRIJEDLOG MJERA I AKTIVNOSTI NA UNAPREĐENJU ZDRAVSTVENE ZAŠTITE RATNIH VOJNIH INVALIDA KANTONA SARAJEVO

Na osnovu Odluke o proširenom obimu prava za korištenje ortopedskih pomagala, lijekova, medicinsko-sanitetskih sprava i materijala za ratne vojne invalide sa područja Kantona Sarajevo ("Službene novine Kantona Sarajevo" br: 13/04,11/06,16/11), u Ministarstvu zdravstva Kantona Sarajevo svakodnevno ostvaruju svoja prava veliki broj ratnih vojnih invalida sa područja Kantona Sarajevo, a na osnovu medicinskih indikacija, odnosno nalaza nadležne zdravstvene ustanove sa popunjenim obrascem zahtjeva uz medicinsku i ostalu dokumentaciju koju dostavljaju Ministarstvu zdravstva Kantona Sarajevo na obradu.

Cijeneći posebne potrebe ove specifične skupine, Ministarstvo zdravstva Kantona Sarajevo je intenzivno radilo na rješavanju svih pristiglih zahtjeva i obezbjeđenju svih potreba kako bi se unaprijedilo zdravlje ove populacije i vršila prevencija i napredovanje postojećih bolesti i stanja.

Ministarstvo zdravstva Kantona Sarajevo je u potpunosti riješilo sve pristigle zahtjeve ratnih vojnih invalida sa područja Kantona Sarajevo u najkraćem vremenskom intervalu na zadovoljstvo ove specifične grupe.

Na osnovu svega navedenog može se zaključiti da je zdravstvena zaštita ratnih vojnih invalida sa područja Kantona Sarajevo kvalitetna, te da sa istom dinamikom treba nastaviti i u narednom periodu.

S ciljem da se još više poboljša zdravstvena zaštita RVI i ratnih vojnih invalida-paraplegičara, Ministarstvo zdravstva predlaže da se nastavi sa slijedećim aktivnostima:

1. Nastaviti sa kontinuiranim upoznavanjem populacije RVI i paraplegičara sa obimom prava utvrđenih Odlukom kao i o Izmjenama i dopunama Odluke kao i Informisanje ljekara o Izmjenama i dopunama Odluke o proširenom obimu prava za korištenje ortopedskih pomagala, lijekova, medicinsko-sanitetskih sprava i materijala za ratne vojne invalide sa područja Kantona Sarajevo ("Službene novine Kantona Sarajevo", br: 13/04, 11/06 i 16/11), s tim u vezi pojačati kontrolu propisivanja lijekova.

2. U narednom periodu potrebno je provesti aktivnosti na usklađivanju spomenute Uredbe ortopedskih pomagala kao i Odluke o proširenom obimu prava sa osnovnim paketom *Lista ortopedskih i drugih pomagala koji se mogu propisivati u okviru obaveznog zdravstvenog osiguranja* („Službene novine Federacije BiH“ broj: 21/09) od 1.4.2009.godine, usvojenom na

Federalnom nivou.

O B R A Z L O Ž E N J E

Na osnovu člana 7. Zakona o dopunskim pravima boraca-branitelja Bosne i Hercegovine («Službene novine Kantona Sarajevo» br: 2/02 i 28/03), a u vezi sa članom 33. Zakona o zdravstvenom osiguranju («Službene novine Federacije Bosne i Hercegovine» br: 30/97 i 7/02), utvrđeno je pravo osiguranih lica na korištenje ortopedskih i drugih pomagala, stomatološko-protetsku pomoć i pravo na korištenje lijekova.

Na osnovu Odluke o proširenom obimu prava za korištenje ortopedskih pomagala, lijekova, medicinsko-sanitetskih sprava i materijala za ratne vojne invalide sa područja Kantona Sarajevo («Službene novine Kantona Sarajevo» broj 13/04), u Ministarstvu zdravstva Kantona Sarajevo svakodnevno ostvaruju svoja prava veliki broj ratnih vojnih invalida sa područja Kantona Sarajevo, a na osnovu medicinskih indikacija, odnosno nalaza nadležne zdravstvene ustanove sa popunjenim obrascem zahtjeva te uz medicinsku dokumentaciju te ostalu dokumentaciju koju dostavlja Ministarstvu zdravstva Kantona Sarajevo na obradu.

U toku 2013. godine Ministarstvo zdravstva Kantona Sarajevo je iz Budžeta Kantona Sarajevo imalo planiranih i utrošilo **1.324.399,00 KM** za ove namjene.

U Zavodu zdravstvenog osiguranja Kantona Sarajevo ratni vojni invalidi ostvaruju pravo kao i drugi osiguranici tako da Zavod zdravstvenog osiguranja Kantona Sarajevo u Finansijskom planu prihoda i rashoda obaveznog zdravstvenog osiguranja u 2013. godini nije imalo posebno planirana sredstva za ovu kategoriju.

Ministarstvo zdravstva Kantona Sarajevo kao i Zavod zdravstvenog osiguranja Kantona Sarajevo je u potpunosti riješilo sve pristigle zahtjeve ratnih vojnih invalida sa područja Kantona Sarajevo u najkraćem vremenskom intervalu na zadovoljstvo ove rizične grupe.

Imajući u vidu navedeno potrebno je da Vlada Kantona Sarajevo prihvati navedeni Izvještaj i da isti dostavi Skupštini Kantona Sarajevo na usvajanje.

IZVOD IZ ZAKONA O ZDRAVSTVENOM OSIGURANJU

Četvrtak, 25. decembra/prosinca 1997.

SLUŽBENE NOVINE FEDERACIJE BiH

Broj 30 - Strana 657

- liječenje zaraznih bolesti,
- liječenje akutnih, hroničnih bolesti u slučajevima i stanjima kada ugrožavaju život,
- zdravstvenu zaštitu djece do navršene 15 godine života,
- zdravstvenu zaštitu redovnih učenika i studenata,
- otkrivanje i liječenje endemske nefropatije,
- liječenje malignih oboljenja i inzulo ovisnog dijabetisa,
- zdravstvenu zaštitu u trudnoći i materinstvu,
- zdravstvenu zaštitu duševnih bolesti koji zbog prirode i stanja bolesti mogu da ugroze svoj život i život drugih lica, ili oštete materijalna dobra,
- zdravstvenu zaštitu oboljelih od progresivnih neuromišićnih oboljenja, paraplegije, kvadriplegije, cerebralne paralize i multipleks skleroze,
- provođenje obavezne imunizacije provi dječijih zaraznih oboljenja,
- liječenje povreda na radu i profesionalnih oboljenja,
- zdravstvenu zaštitu građana iznad 65 godina života, **pod uvjetom da po članu domaćinstva nemaju prihode veće od prosječne plaće na području Federacije, ostvarene u prethodnom mjesecu,**
- liječenje narkomanije,
- službu prikupljanja krvi.

Parlament Federacije Bosne i Hercegovine (u daljem tekstu: Parlament Federacije), će po osnovu stava 1. alineja 3. ovog člana, na prijedlog Vlade Federacije za svaku godinu odrediti "paket zdravstvenih prava".

Član 33.

Osigurana lica, pored prava iz člana 32. ovog zakona imaju pravo, u skladu a utvrđenom medicinskom indukcijom, na korištenje ortopedskih i drugih pomagala, stomatološko-protetsku pomoć i stomatološko-protetske nadomjestke, kao i pravovna korišćenje lijekova čije je stavljanje u promet odobrio ministar zdravstva, a nalaze se na listi lijekova koji se osigurancima mogu propisati na teret sredstava kantonalnog zavoda osiguranja.

Obim prava iz stava 1. ovog člana utvrdit će se kantonalnim propisima.

Član 34.

Zdravstvena zaštita koja se ovim zakonom osigurava, provodi se kao:

- primarna,
- specijalističko-konsultativna i
- bolnička.

Član 35.

Pravo na zdravstvenu zaštitu obuhvaćeno obaveznim zdravstvenim osiguranjem podrazumijeva osiguranje zdravstvenog standarda pod jednakim uvjetima za osigurana lica u zadovoljavanju potreba u primarnoj, specijalističko-konsultativnoj i bolničkoj zdravstvenoj zaštiti s odgovarajućom medicinskom rehabilitacijom.

Obim prava obaveznog zdravstvenog osiguranja iz člana 32. ovog zakona, za svaku kalendarsku godinu utvrdit će **Parlament Federacije**.

Standarde i normative zdravstvene zaštite iz obaveznog zdravstvenog osiguranja i Pravilnik o načinu ostvarivanja prava iz obaveznog zdravstvenog osiguranja donosi ministar zdravstva.

Član 36.

Kod povreda na radu, ili oboljenja od profesionalne bolesti, osigurancima se obavezno osigurava:

1. zdravstvena zaštita i sprovođenje mjera otkrivanja i sprečavanja povreda na radu i oboljenja od profesionalne bolesti,

2. odgovarajuća medicinska pomoć i pravo na ortopedska pomagala radi liječenja i medicinske rehabilitacije od posljedica povreda na radu i oboljenja od profesionalnih bolesti radi uspostavljanja radne sposobnosti,
3. naknada putnih troškova u vezi s korišćenjem zdravstvene zaštite i rehabilitacije prouzrokovane povredom na radu, odnosno oboljenjem od profesionalne bolesti,
4. naknada plaće za svo vrijeme trajanja bolovanja prouzrokovano povredom na radu, odnosno oboljenjem od profesionalne bolesti.

Član 37.

Zdravstvena zaštita iz člana 34. ovog zakona pruža se osiguranim licima u zdravstvenim ustanovama i kod privatnih zdravstvenih radnika s kojima je kantonalni zavod osiguranja zaključio ugovor o pružanju zdravstvene zaštite.

Član 38.

Ugovorima iz člana 37. utvrđuju se: vrsta, obim i kvalitet zdravstvenih usluga koje zdravstvena ustanova pruža osiguranim licima, naknade koje kantonalni zavod osiguranja plaća za pružanje ugovornih usluga, način obračunavanja i plaćanja usluga i druga uzajamna prava i obaveze ugovorača.

Osnovne, kriterije i mjerila za zaključivanje ugovora iz člana 37. ovog zakona odredit će se kantonalnim propisima.

Osnovama, kriterijima i mjerilima iz stava 2. ovog člana osigurava se zakonito i pravilno uspostavljanje ugovornih odnosa između kantonalnog zavoda osiguranja i zdravstvenih ustanova, utvrđuju elementi koje moraju sadržavati ti ugovori, uređuje način iskazivanja vrste, obima i kvaliteta zdravstvenih usluga, način utvrđivanja naknada, način kontrole, vrste, obima i kvaliteta izvršenih zdravstvenih usluga i drugo.

Član 39.

Ugovori zaključeni između kantonalnog zavoda osiguranja i zdravstvenih ustanova na njegovom području važe, u pogledu ugovornih naknada za zdravstvene usluge, a sve kantonalne zavode osiguranja čija osigurana lica koriste usluge tih zdravstvenih ustanova.

Član 40.

Zdravstvenim ustanovama sa kojima kantonalni zavod osiguranja nije zaključio ugovor o pružanju zdravstvene zaštite, mogu se na teret fonda kantonalnog zavoda osiguranja isplatiti samo troškovi medicinske pomoći pružene osiguranim licima u hitnim slučajevima i drugi troškovi u vezi sa pružanjem te pomoći.

Član 41.

Osigurano lice ima pravo na liječenje u inozemstvu pod uvjetima i na način utvrđen posebnim propisima ako je u pitanju oboljenje koje se ne može liječiti u Federaciji Bosne i Hercegovine, a u zemlji u koju se osigurano lice uplaćuje postoji mogućnost za uspješno liječenje tog oboljenja.

Osigurano lice ima pravo da koristi zdravstvenu zaštitu u inozemstvu za vrijeme rada odnosno boravka u inozemstvu pod uvjetima i na način utvrđen posebnim propisima.

Propise iz ovog člana donosi ministar zdravstva.

4. Novčane naknade i pomoći

a) Naknada plaće

Član 42.

Osiguranci iz člana 19. tač. 1. do 7. i tač. 16. i 17. ovog zakona imaju pravo na naknadu plaće za vrijeme privremene spriječenosti za rad (u daljem tekstu: naknada plaće), ako su:

IZVOJ IZ ZAKONA O BORBINSKIM PRAVIMA BORACA - BRANITELJA BOSNE I HERCEGOVINE

SLUŽBENE NOVINE KANTONA SARAJEVO

Broj 2 - Strana 46

Utorak, 29. januara 2002.

- "Medalja primjernog borca"
kao i šehidske porodice - porodice poginulog borca -
branitelja i porodice umrlog ratnog vojnika nosioca tih
priznanja."

Član 3.

Sa borcima - braniteljima, u smislu ovog zakona, izjednačeni
su u pravima učesnici narodnooslobodilačkog antifašističkog
rata 1941. - 1945. godine, čiji je status utvrđen rješenjem
nadležnog organa.

Član 4.

O postupku za priznavanje statusa lica iz člana 1. ovog
zakona, izuzev ratnih vojnika invalida i članova šehidske porodice
- porodice poginulog borca - branitelja i porodice umrlog ratnog
vojnika invalida, posebno uputstvo donosi ministar za boračka
pitanja Kantona (u daljem tekstu: ministar za boračka pitanja).

II - PRAVA

Član 5.

Lica iz člana 1. ovog zakona imaju, prema načinu i obimu
utvrđenim ovim zakonom, sljedeća prava:

1. Zdravstvena zaštita;
2. Banjsko i klimatsko liječenje (medicinska rehabilitacija);
3. Naknada putnih troškova za liječenje u inostranstvu;
4. Prava po osnovu preostale radne sposobnosti;
5. Prioritet u zapošljavanju;
6. Novčana pozajmica za otvaranje radnih mjesta;
7. Prvenstvo upisa u obrazovne ustanove i besplatno
školovanje;
8. Stipendiranje;
9. Uklanjanje arhitektonsko-urbanističkih barijera za ulazak i
korištenje stana u invalidskim kolicima;
10. Oslobođanje obaveze plaćanja naknade za pogodnost i
naknade za uređenje građevinskog zemljišta;
11. Oslobođanje obaveze plaćanja naknade za dodijeljeno
gradsko građevinsko zemljište;
12. Pravo na izgradnju stana;
13. Novčana pozajmica i dodjela sredstava za rješavanje
stambenih potreba;
14. Dodjela sredstava za održivi povratak;
15. Pravo na stan u vlasništvu;
16. Besplatna i povlaštena vožnja;
17. Naknada troškova dženaze - sahrane;
18. Podizanje nišana - nadgrobnog spomenika;
19. Posebna prava.

1. Zdravstvena zaštita

Član 6.

Lica iz člana 1. ovog zakona, ukoliko ne mogu ostvariti status
osiguranog lica po propisima iz oblasti zdravstva, ostvaruju to
pravo po ovom zakonu.

U slučajevima iz prethodnog stava obaveznik uplate
doprinosa za zdravstveno osiguranje je Ministarstvo za boračka
pitanja Kantona (u daljem tekstu: Ministarstvo za boračka
pitanja).

Član 7.

O proširenom obimu prava za ratne vojne invalide poseban
propis donosi Skupština Kantona Sarajevo, do donošenja
federalnog propisa iz ove oblasti.

Propisom iz prethodnog stava naročito se utvrđuju posebni
programi koji obuhvataju finansiranje ortopedskih pomagala i
njihovih opravki u punom iznosu, te obezbjeđenje potrebnih
lijeikova i sanitetskog materijala za ratne vojne invalide, kao i
posebnog sanitetskog materijala za ratne vojne invalide -
paraplegičare.

Član 8.

Ratni vojni invalidi, članovi šehidske porodice - porodice
poginulog branitelja i umrlog ratnog vojnika invalida, kao i

članovi uže porodice ratnog vojnika invalida oslobađaju se od
obaveze ličnog učešća osiguranih lica u troškovima korištenja
zdravstvene zaštite i snošenju troškova liječenja na teritoriji
Kantona.

2. Banjsko i klimatsko liječenje (medicinska rehabilitacija)

Član 9.

Lica iz člana 1. ovog zakona, pod uslovima propisanim ovim
zakonom, imaju pravo na banjsko i klimatsko liječenje
(medicinsku rehabilitaciju).

Član 10.

Banjsko i klimatsko liječenje, prema ovom zakonu,
podrazumijeva liječenje koje je neophodno kao nastavak
liječenja od zadobivene rane, povrede, ozljede ili bolesti koje su
propisane kao indikacije za to liječenje, a koje se obavlja u
specijalizovanim zdravstvenim ustanovama u kojima se u
liječenju primjenjuje i prirodni faktor, drugim zdravstvenim
ustanovama u kojima se liječenje obavlja pretežno prirodnim
faktorom, kao i u ustanovama i privrednim društvima osnovanim
za liječenje, odmor i rekreaciju u kojima se u liječenju
primjenjuje prirodni faktor.

Član 11.

O potrebi za banjskim i klimatskim liječenjem, na osnovu
zahtjeva lica iz člana 1. ovog zakona i upute ljekara specijaliste,
odlučuje ljekarska komisija koju imenuje ministar za boračka
pitanja.

Izuzetno od odredbe prethodnog stava, ratni vojni invalid -
paraplegičar, zajedno sa pratiocem, ima pravo na banjsko i
klimatsko liječenje jedanput godišnje u trajanju od 21 dan, bez
obzira na medicinski nalaz.

Član 12.

Ministarstvo za boračka pitanja zaključuje ugovore o
banjskom i klimatskom liječenju sa ustanovama i privrednim
društvima iz člana 10. ovog zakona.

Ugovorima iz prethodnog stava naročito se utvrđuje obim i
kvalitet zdravstvenih i drugih usluga koje te ustanove i privredna
društva pružaju korisnicima, cijene tih usluga i druga međusobna
prava i obaveze.

3. Naknada putnih troškova za liječenje u inostranstvu

Član 13.

Lica iz člana 1. ovog zakona imaju pravo na naknadu
troškova prijevoza za odlazak na liječenje i povratak po završetku
liječenja, kao i naknadu troškova smještaja do deset dana, kada to
liječenje nije moguće obaviti u Bosni i Hercegovini.

Ukoliko je lice iz prethodnog stava korisnik prava na dodatak
za njegu i pomoć od strane drugog lica, ima pravo iz prethodnog
stava i za lice koje sa njim putuje u pratnji.

Član 14.

O nemogućnosti liječenja u Bosni i Hercegovini, potvrdu
izdaje ljekarski konzilij Kliničkog centra Univerziteta u
Sarajevu.

4. Prava po osnovu preostale radne sposobnosti

Član 15.

Nezaposleni ratni vojni invalid, koji je zadobio ranu,
povredu, ozljedu ili bolest po osnovu koje mu je priznat status
ratnog vojnika invalida, na osnovu preostale radne sposobnosti
ima pravo na profesionalnu rehabilitaciju, uključujući i
školovanje za obavljanje poslova za koje se traži viša stručna
sprema od one koju vojni invalid ima, ako prema općem
obrazovanju, godinama života, zdravstvenom stanju i drugim
okolnostima ima uslove za uspješnu rehabilitaciju.

Član 16.

Profesionalnom rehabilitacijom obezbjeđuje se osposob-
ljavanje za vršenje ranijeg ili drugog odgovarajućeg zanimanja.

